

蘓詩補註

卷四十三至卷四十七

蘇詩補註

卷之五

東坡先生編年詩卷四十三

後學查慎行補註

姪男開校刊

古今體詩五十二首

起元符三年庚辰春在儋州五月移廉州安置八月杪離廉州作

庚辰歲人日作時聞黃河已復北流老臣舊數論
此今斯言乃驗二首

老去仍棲隔海村夢中時見作詩孫天涯已慣逢人日
歸路猶欣過鬼門三策已應思賈讓孤忠終未赦虞翻
典衣剩買河源米屈指新筭作上元

黃河北流

宋史河渠志元祐初河流雖北而孫村低下河北諸郡皆被災于是回河東流之議起安壽深以東流爲是文彥博呂大防皆

主其說蘇轍謂呂公著不如因舊而修其未備會范百祿行視東西二河亦云東流高仰北流順下決不可回時吳安持與李偉力主回河請置修河司從之七年

十月以大河東流賜吳安持三品服李偉再任紹聖元年都水使王宗望上言東北兩流頻年紛爭不決伏自奉詔凡九月上稟成筭使全河東還故道乞付史館紀績至元符二年六月河決內黃東流遂斷絕

老臣數論元祐三年八月左司諫王祖道請正吳安持李偉等之罪詔可先生任翰

林學士時上劄子云黃河自天禧以來故道漸淤每決而西熙寧中決于曹村又決小吳先帝知河之欲西北流故不復塞今都水使者王孝先乃欲于北京南開孫村河欲奪河身以復故道此豈獨一方之安危天下之休戚也臣聞自孫村至海口舊管堤埝四十五所歲支物件五百餘萬今欲興修已壞堤埝並備河水復行東道此莫大之患不貲之費也臣未察衆論以爲此役不可不罷若今歲罷役不過枉費九百萬物料若更接續興修則來歲當役數十萬人仍費三千餘萬不若將三千萬物料分作數年因水所行之地稍立隄防數年之後必漸安流何苦興必不可成之役乎元祐四年八月子由在翰林第四疏有曰臣兄軾前在經筵因論黃河等事爲

鬼門本集到昌化軍謝表云並鬼門衆人所疾迹不自安遂求引退云云而東驚浮瘴海以南遷客勝志

鬼門關在鬱林州北流縣西十里兩山相對間濶三十步往來交趾皆由此關其南尤多瘴癘諺云鬼門關十人去九不還唐沈佺期詩昔傳瘴江路今到鬼

門三策漢書溝洫志待詔賈讓言治河有上中下三策河源米惠州志南齊時析龍川縣置河源縣以縣東北有三河之源故

名施氏原注海南無秔秔河源縣屬惠州當是秔秔所產也

不用長愁挂月村檳榔生子竹生孫

公自注海南勒竹每節生枝如竹竿大蓋竹孫也

新巢語燕還窺研舊雨來人不到門春水蘆根看鶴立

夕陽楓葉見鴉翻此生念念隨泡影莫認家山作本元

新巢

灑奎律髓海南人曰燕已來巢亦異事

窺研

鄭谷燕詩閒几研中窺水淺落花徑裏得泥香

泡影

秦譯金剛經一切有

為法如夢幻泡影淨名疏云上水為因下水為緣得有泡起斯須即無有物遮光則有影見物異影異物動影動

認本元

楞嚴經徒獲此

心未敢認為

本元心也

庚辰歲正月十二日天門冬酒熟予自漉之且漉

且嘗遂以大醉二首

自撥牀頭一甕雲幽人先已醉濃芬天門冬熟新年喜

麴米春香並舍聞

公自注杜子美詩云聞道雲安麴米春蓋酒名也

菜圃漸疎花

一作雲漠

漢竹屏斜掩雨紛紛擁裘睡覺知何處吹面東風散纈

紋

天門冬酒

爾雅蔓冬一名滿門冬抱朴子門冬一名顛棘可作散絞其汁作酒以服散尤佳楚人呼為天門冬本草天門冬根白或黃紫

色大如手指可取汁作酒山居要錄有造天門冬酒法

慎按統中記服食法云采天門冬根食之去三蟲伏屍後一段云釀酒初熟微酸久停則香美諸酒不及也新刻本引注舛訛施氏原本所無也今補注駁正

載酒無人過子雲年來家醞有奇芬醉鄉杳杳誰同夢

睡息齁齁得自聞口葉向詩

一本作時訛

猶小小眼花因酒

一本作醉

尚紛紛點燈更試淮南語汎溢東風有穀紋

汎溢東風

周禮酒正辨五齊之名一曰汎齊鄭康成注云泛者成而滓浮泛泛然如今宜城醪碑雅引造化權輿云東風東方之風氣也

故凍非東風不能解泛非東風不能溢

追和戊寅歲上元

賓

一作春

鴻社燕巧相違白鶴峯頭白板扉石建方欣洗

廁姜麗不解嘆

一作蟻

一龕京口嗟春夢萬炬錢塘憶

夜歸合浦賣珠無復有當年笑我泣牛衣

戊寅上元

詩見四十二卷中

賓鴻

晉溪詩話坡翁詩賓鴻社燕巧相違月令鴻雁來賓事嘗疑人未曾用及觀劉夢得詩暮霞千

萬狀賓鴻次第飛顧況云安得凌風翰肅肅賓天京老杜云別浦雁賓秋知古人必有所本也

廁

詩話總龜云古人用事有趁筆快意而誤者子

瞻詩石建方欣洗廁廁据漢書本作廁諭蓋中衣也二字義不應顛倒用

牛衣

漢書王章傳注牛衣龍具也漢繁露龍具之制不知何若案食貨志

董仲舒曰貧民常衣牛馬之衣則牛衣者編草使暖以被牛體蓋簑衣之類

按本集先生自題此詩後云戊寅上元在僭耳過子夜出余獨守舍作違字韻詩今庚辰上元已再期矣家在惠州白鶴峯下過子不眷婦子從余此來其婦亦篤孝悵然感之故和前篇有石建姜麗之句又復悼懷同安君未章故復有牛衣之句悲君亡而喜子存也

和陶雜詩十一首

斜日照孤隙始知空有塵微風動衆竅誰信我忘身一

笑問兒子與汝定何親從我來海南

一本作南海

幽絕無四鄰

耿耿如缺月獨與長庚晨此道固應爾不當怨尤人

缺月長庚

韓愈詩東方未明大星沒惟有太白配殘月

故山不可到飛夢隔五嶺真游有黃庭閉目寓兩景室

空無可照火滅膏自冷披衣起視夜海濶河漢永西窗

半明月散亂梧楸影良辰不可繫逝水無留

一本作由訛

騁我

苗期後枯持此一念靜

後枯

嵇康養生論爲稼于湯之世必一溉者後枯

眞人有妙觀俗子多妄量區區勸粒食此豈知子房我
非徒跣相終老懷未央死縛淮陰狗功指平陽哀哉
亦可羞世俗皆羊腸

相如偶一官強鄙蜀父老不記犢鼻時滌器混傭保著

書曾幾何一作許渴肺灰土燥琴臺有遺魄笑我歸不早作

書遺故人皎皎我懷抱餘生幸無愧可與君平道

犢鼻滌器

漢書司馬相如傳相如之臨邛盡賣車騎買酒舍乃令文君當爐相如身自著犢鼻褌與傭保雜作滌器于市中

渴

肺

相如傳相如口吃而善著書常有消渴病

琴臺

王褒益州記相如宅在笮橋北李膺云市橋西二百步得相如舊宅南有琴臺故墟方輿勝覽

琴臺後爲金花寺城內者非其舊也卽今之金泉鋪是矣

孟德黠老狐姦言嗾鴻豫哀哉喪亂世梟鸞各騰翥逝

者知幾人文舉獨不去天方斲漢室豈計一郗慮昆蟲

正相齧廼比蘭相如

去聲

我知公所坐大名難久住細德

方險微豈有容公處既往不可悔庶爲來者懼

梟鸞

更記賈生傳鳴乎哀哉逢時不祥鸞鳳伏竄今鳴梟鸞翔

細德險微

賈生傳弔屈原賦見細德之險微兮搖增翮逝而去

之施氏原注引句錯訛今補注

博大古真人老聃關尹喜獨立萬物表長生乃餘事稚

川差可近倘有接物意我頃登羅浮物色恐相值徘徊

朱明洞沙水自清駛滿把菖蒲根歎息復棄置

藍喬

一本作橋訛

近得道常苦世福迫西游王屋山不踐長安

陌爾來寧復見鳥道度太白昔與吳遠遊同藏一瓢窄

潮陽隔雲海歲晚倘見客伐薪供養火看作棲鳳宅

藍喬

吳子野曾與藍喬同客曾魯公家見子由詩注

養火

孫思邈七返丹砂法用六一泥固劑訖以文火漸養數至六七日即武火一日

成如此七轉堪服其火每轉須減損之不減恐藥不住也

南榮晚聞道未肯化庚桑陶頑鑄強獷枉費塵與糠越

子古成之韓生教休糧參同得靈鑰九鎖

一作鑰

啟伯陽鵝

城見諸孫貧苦我為傷空餘焦先室不傳元化方遺像

似李白一奠臨江觴

南榮

莊子庚桑子謂南榮越曰今吾才小不足以化子胡不南見老子

靈鑰

道書真一子有還丹內蒙金鑰匙一卷

伯陽

神仙傳魏伯陽吳人也性好道術後與弟子三人作丹丹成知弟子心懷未盡乃試之曰丹雖成宜先與犬試之乃與犬食即死弟子曰先生當服之否伯陽曰吾委家入山不得道亦耻復還乃服丹入口即死弟子相謂曰作丹以求長生服之即死奈何獨一弟子曰吾師非常人也服此即死得無意乎因取丹服

蘇詩補註卷四十三
之亦死二弟子乃出山欲爲伯陽求棺木二子去後伯陽卽起將所服丹納死
弟子及犬口中皆起遂皆仙去伯陽作參同契五行相類凡三十卷假爻象以
論作丹
之意

餘齡難把玩妙解寄筆端常恐抱永嘆不及邱明遷親
友復勸我放心餞華顛虛名非我有至味知誰餐思我
無所思安能觀諸緣已矣復何嘆舊說易兩篇

把玩

柳子厚文前過三十年與瞬息無異
後所得者其不足把玩亦已審矣

申韓本自聖陋古不復稽巨君縱獨慾借經作巖崖遂
令青衿子珠璧人人懷鑿齒井蛙耳信謂天可彌大道
久分裂破碎日愈離我如終不言誰悟角與羈吾琴豈
得已昭氏有成虧

角羈

禮記內則三月之末擇日翦髮爲髻男角女羈注夾囟曰角午達曰羈疏云夾囟兩旁當角之處留髮不翦一從一橫曰午今女翦髮留其頂

上從橫各一相交通達故曰午達不如兩角相對但從橫各一在頂上故曰羈羈者隻也

我昔登朐山出日觀滄涼欲濟東海縣恨無石橋梁今
茲黎母國何異于公鄉蠓浦旣黏山暑退亦飛霜所欣
非自調不怨道里長

朐山

太平寰宇記大海在海州城東十五里南接朐山縣界北接懷仁縣界志云朐山在城南四里始皇東巡立石東海上朐界中以爲秦東門

于公鄉

海州志孝婦冢在郟城孝婦竇氏于公郟人爲郡決曹以爭孝婦獄辭疾去故居在東海城北十里各于公浦按于公鄉卽此地也

自調

柳宗元詩高歌反故室自調非所欣

慎按吳中新刻本淵明雜詩凡十二首其末章用理字韻止六句疑非全作先生亦缺和詩

和陶始作鎮軍參軍經曲阿

虞人非其招欲往畏簡書穆生責醴酒先見我不如江
左古弱國強臣擅天衢淵明墮詩酒遂與功名疎我生
值良時朱金義當紆天命適如此幸收廢棄餘獨有愧
此翁大名難久居不思犧牛龜兼取熊掌魚北郊有大
賚南冠解囚拘眷言羅浮下白鶴返故廬

大名難久居

史記越世家范蠡曰大名之下難以久居

北郊

宋史禮志北郊方邱配帝神州岳鎮海瀆七十一位壇在宮城

之北以夏至祭皇地祇別爲壇于北郊以孟冬祭元祐七年冬哲宗親祠遂合祭天地建中靖國元年曾布主北郊之說遂罷合祭

〔慎按宋史徽宗本紀元符三年庚辰正月卽位二月始聽政四月范純仁等復宮觀蘇軾等徙內郡是年未嘗舉郊祀之典明年辛巳改元建中靖國十一月乃合祀天地于園邱時先生已沒矣今詩云北郊有大賚蓋謂新君卽位例當有郊祀恩赦耳

桃花源

并引

世傳桃源事多過其實考淵明所記止言先世避秦
亂來此則漁人所見似是其子孫非秦人不死者也
又云殺雞作食豈有仙而殺者乎舊說南陽有菊水
水甘而芳居民三十餘家飲其水皆壽或至百二三
十歲蜀青城山老人村有見五世孫者道極險遠生
不識鹽醯而溪中多枸杞根如龍蛇飲其水故壽近
歲道稍通漸能致五味而壽益衰桃源蓋此比也歟
使武陵太守得而至焉則已化爲爭奪之場久矣嘗
意天壤間若此者甚衆不獨桃源予在潁州夢至一
官府人物與俗間不異而山川清遠有足樂者顧視

堂上榜曰仇池覺而念之仇池武都氏故地楊難當
所保余何爲居之明日以問客客有趙令時德麟者
曰公何問此此乃福地小有洞天之附庸也杜子美
蓋云萬古仇池穴潛通小有天他日工部侍郎王欽
臣仲至謂余曰吾嘗奉使過仇池有九十九泉萬山
環之可以避世如桃源也

凡聖無異居清濁共此世心閒偶自見念起忽已逝欲
知真一處要使六用廢桃源信不遠杖藜可小憇躬耕

一本
作耘

任地力絕學抱天藝臂雞有時鳴尻駕無可稅苓龜

亦晨吸杞狗或夜吠耘樵得甘芳齧齧謝炮製子驥雖

形隔淵明已心詣高山不難越淺水何足厲不如我仇
池高舉復幾歲從來一生死近又等一作癡慧蒲澗安期
境羅浮稚川界夢往從之遊神交發吾蔽桃花滿庭下
流水在戶外却笑逃秦人有畏非真契

和歸去來兮詞

并引

子瞻謫居昌化追和淵明歸去來詞蓋以無何有之
鄉爲家雖在海外未嘗不歸云爾

歸去來兮吾方南遷安得歸卧江海之濱洞弔鼓角之
悽悲迹泥蟠而愈深時電往而莫追懷西南之歸路夢
良是而覺非悟此生之何常猶寒暑之異衣豈襲裘而